

Monologue vaala actor interrogate ho Raha hai so behta hai

Haan

Mai hi huun wo,

Maine hi

Kavita chaudhary Ka 14 march ko balatkar Kia,

Aur iska mujhe koi khed Nahi hai.

Mai to har hi man Gaya tha sir, Mai to bohot Khush huun

Ki Aapne mujhe pakad lia. pehle ki Tarah Nahi.

Arre Yaad hai ?

Kavita chaudhary jisko "inappropriate touching" ke ilzaam me Mera baap andar gaya tha.

Aur Yaad hai tab Aapne interrogate bhi nhi Kia.

So unprofessional,

Maa tabse Roz desh ko aur desh ke kanoon ko gaali deti Rahi hai.

Mai samjhata Raha

Maa kanoon kharab Nahi ho sakta

Maa mani hi Nahi kabhi

Meri Maa kanoon ki waja se depression me chali Gayi

Ab Mai Maa ko kaise manata ki kanoon upar hai wo galat Nahi Hota Galti Nahi Karte police  
vaale

Fir mere dimaag me ye master plan aaya!

Us din bhi jab wo akeli Nikal Rahi thi tbhi Maine kidnap karlia aur Van me hi .

16 minutes 22 seconds.

Kaafi tha complain file Karne ke lie

And here am I,

Maa itna Khush hogi jaan ke

Ki kanoon Galti Nahi karta

Sir aap phone dijiye mujhe maa ko phone pe batana hai sab Kuch.

---

Ham raaju

Hamara pahile idhar hi ek Pradhan tea stall

hua karta tha

3 sectarr me sabse badhiyan chai phul garanti!!

Office vaala, college Ka bacha log sab apna badhiyan se adda Bana lia tha, chai Ka thela rehta tha to Grahak sab Ka bat sunne ko bhi mil jaata tha ki Sunita madam anil ji ke Saath do cup mangati thi aur Banerjee sir ke Saath ek.

Hamara chai hi itna meetha rehta tha ki meetha

Meetha bat Nikal aata tha.

Kadva Ham banate Nahi the,

Kahan kono pasand kadva chai Pasand kahan karta hai.

Dhaandha badhiyan tha fir dheere dheere jab bheed badh Gaya phul.

tab Ham dekhe Kuch 15-20 log Aata tha chai pinne wo bolta tha dudh Kam daalo.

Kitna log Ka sunte Ham aisa ?

Nahi sune tab to dhandha bhi badhiyan hi tha

Phir Ka

Uu sab Aana chod dia

Hamne socha theek hai Kam Karte hai apna

Lekin ab sab Grahak logo ko special chai chahiye tha,

Chini zyada,

Kekro paani Kam

Bhak saala !!

Nahi Hota tha jhanjhat

Phir ham apna tea stall band Kar die Hain tabhi se

Ab dhandhe to Karna hi tha

To kadhai kharid lie Hain

Gas to tha hi

Bina jhanjhat vaala pakoda Ka business start kie hain

---

Namaskar ye Mera pehla video hai Maine Kabhi Kuch seekha Nahi ki kaise video banate hai.

Actually Mai ek bohot aam sa insaan huun kal hi Mera chalisva janm din tha,

Ab frustrate hona hai aachanak se pagal vaala

Ek to ye janmdin manaate kyun hain?

Yaad dilane ke lie na ki ab ek Saal aur Kam bacha hai

Back to normal

Har Saal ki Tarah Mai is janm din bas aise hi sawaal aur cheezon ke baare me Soch Raha tha

Maine iss baare me bhi bohot socha hai ki meri halat Aisi kyun hai .

kyun mujhe uthne Ka Mann Nahi karta?

kyun mujhe Kisi ke kehne pe Kuch Nahi hota ?

Kyun lagta hai ki mere Kuch bhi Karne se kuch bhi kahin bhi kisko Nahi Hoga.

Maano ek movie Aisi Chal Rahi hai jissme

Aapke kirdar ki zaroorat hi Nahi hai.aap kahaani me kaahani Galti ho.

Bohot sochne ke baad mai is anjam pe Aaya huun ki

Mai Kabhi Aapne aap ko jaan hi Nahi paaya ,

Mujhe lagta tha ki Mai sabki batein sunun sabke baarein me janun,

Usi chakkar me mere sapne Kabhi mere Bache hi Nahi mere sapne to wohi the Jo the mere doston ke,

Mere maa-baap ke.

Ek Baar dost ne dikhaya Engineering Ka Sapna!!

Maine karli.

Maa-baap ne IAS Ka!

Maine Dekh Lia

Aur Mai Kisi pe gussa Nahi Kar Raha

Na-hi ilzam laga Raha huun

Dikkat yehi hai ki

Har padhav me mujhe laaga wo sapne mere Hain

Ek bar bhi संदेह Nahi hua har Baar sabki kahaaniyon me khud Ka ek kirdar Soch lia Maine. Aur mujhe laga ki kahaani meri hai

Ab ye Jeevan kyunki mere sapnon Ka hai hi Nahi

Iski kahaani original Nahi adapted hai

Wo bhi Bina khilwaad ke,

To isilie shayad issme mere kirdar ki zaroorat Nahi hai

Aur farak padhna shayad isilie Kam ho Gaya kyunki mere pas Kabhi kisi ke bolne Ka jawaab tha hi nhi,

Kyunki Maine wo bhi khud socha hi Nahi

Par kal Raat kaafi alag thi, kal Raat ko

Yahan pe actor chaaku nikalega

Pehli Baar mujhe ek Sapna Aaya Jo ki sirf Mera tha

Kaatne Ka action

End

---